

**BOSNA I HERCEGOVINA
FEDERACIJA BOSNE I HERCEGOVINE
ZENIČKO - DOBOJSKI KANTON
GRAD ZENICA**

OBRADIVAČ
**Služba za vodoprivredu, putnu infrastrukturu
i mjesne zajednice**

**IZVJEŠTAJ O REALIZACIJI PROJEKATA IZGRADNJE, REKONSTRUKCIJE I
INVESTICIONOG ODRŽAVANJA CESTOVNE
INFRASTRUKTURE ZA 2022. GODINU**



Zenica, februar 2023. godine

I UVODNE NAPOMENE

U cilju realizacije obaveza Službe za vodoprivredu, putnu infrastrukturu i mjesne zajednice (u daljnjem tekstu: Služba), utvrđenih Programom rada Gradskog vijeća Zenica za 2023.godinu, sačinjen je Izvještaj o realizaciji projekata izgradnje, rekonstrukcije i investicionog održavanja cestovne infrastrukture za 2022.godinu.

Osnov aktivnosti Službe u izvještajnom periodu bio je Plan ulaganja u oblasti putne infrastrukture za 2022.godinu, usvojen zaključkom Gradskog vijeća Zenica broj:01-45-9443/22 od 21.04.2022. godine.

Ukupna vrijednost projekata predviđenih Planom ulaganja u putnu infrastrukturu za 2022. godinu iznosila je 4.209.708,27 KM od čega za realizaciju ugovora iz ranijeg perioda 883.208,27 KM, a za realizaciju novih projekata u ovoj oblasti 3.326.500,00 KM.

Aktivnosti Službe u daljem tekstu Izvještaja prikazane su kroz oblasti:

1. Rekonstrukcija i investiciono održavanja cestovne mreže –realizacija ugovora zaključenih u ranijem periodu
2. Rekonstrukcija i investiciono održavanja cestovne mreže –realizacija ugovora zaključenih u 2022.godini
3. Zaključna razmatranja

Pored investicionog održavanja, u 2022.godini u Službi su vođene aktivnosti na održavanju cesta, koje uključuje redovno, vanredno i zimsko održavanje i isto je detaljno obrađeno u Izvještaju o radu Gradonačelnika i gradske uprave u 2022.godini, čije razmatranje je takođe predviđeno Programom rada Gradskog vijeća.

II REKONSTRUKCIJA I INVESTICIONO ODRŽAVANJE CESTOVNE MREŽE

Rekonstrukcija i investiciono održavanje cestovne mreže podrazumijeva aktivnosti na rekonstrukciji ulica, cesta i pripadajućih objekata odvodnje, izgradnji potpornih zidova, vanjskom uređenju oko objekata, sanaciji saobraćajnica, sanaciji klizišta koja ugrožavaju cestovnu infrastrukturu i druge aktivnosti kojima se utiče na stabilnost cesta i stvaranje uslova za sigurno saobraćanje svih učesnika u saobraćaju, kao i usklađenost cesta sa drugim zahvatima u prostoru i okolišem kroz koje se protežu.

Lokalne i nerazvrstane ceste obuhvataju dužinu od 287,87 km, a gradske ulice 115,73 km.

1.Rekonstrukcija i investiciono održavanja cestovne mreže –realizacija ugovora zaključenih u ranijem periodu

Dio sredstava planiranih za poslove na rekonstrukciji i investicionom održavanju cestovne mreže u 2022. godini odnosio se i na ugovore o izvođenju radova zaključene u prethodnoj godini, čija realizacija je u cijelosti ili djelimično prolongirana za 2022. godinu. Kašnjenje u realizaciji ugovora uglavnom je posljedica problema koji su se pojavili prilikom izvođenja radova, kao što su nepovoljni vremenski uslovi, pitanje rješavanja objekata odvodnje te zbog samih procedura javne nabavke i izmjene projektne dokumentacije.

U nastavku je tabelarni prikaz ugovora o izvođenju radova zaključenih u ranijem periodu, a koji su realizovani u 2022. godini.

Tabela broj 1 – Ugovori zaključeni u ranijem periodu

RED. BROJ	PREDMET UGOVORA	IZVOĐAČ RADOVA	BROJ UGOVORA I DATUM UGOVORA	REALIZACIJA U 2022. GODINI (SA PDV)	UKUPNA REALIZACIJA (SA PDV)	STATUS
1	Izgradnja oborinske kanalizacije u ulici. Lukovo polje u dužini 230,60 m i sanacija saobraćajnice u dužini 198 m	GEOPUT d.o.o. Maglaj	02-11-12479-3/21 od 09.09.2021.	48.503,66	88.918,78	REALIZOVAN
2	Sanacija Đerzelezove ulice	ŠPIC BETON d.o.o. Zenica	02-11-8399-3/21 od 30.07.2021.	199.441,82	233.544,51	REALIZOVAN
3	Rekonstrukcija ulice Masarykova (P-1a do P-10a)	KOMGRAD-ZE d.o.o. Zenica	02-11-22295-4/21 od 10.01.2022.	256.422,31	256.422,31	REALIZOVAN
4	Sanacija dionice lokalnog puta i mosta broj 1 za selo Orahovicu	KOMGRAD-ZE d.o.o. Zenica	02-11-21693-6/21 od 11.02.2022.	333.914,56	333.914,56	REALIZOVAN
5	Izgradnja pješačke staze duž ulice Bistua Nuova od naselja Radakovo do skretanja za Klopče i završetak pješačke staze kroz naselje Perin Han	KOMGRAD-ZE d.o.o. Zenica	02-11-25781-4/21 od 28.02.2022.	39.976,95	139.976,95	REALIZOVAN
UKUPNO:				878.259,30		

Planom ulaganja u putnu infrastrukturu za 2022. godinu predviđena su sredstva u iznosu od 883.208,27 KM na ime realizacije ugovora zaključenih u ranijem periodu, od čega je u 2022. godini, što je vidljivo iz Tabele broj 1, realizovano ukupno 878.259,30 KM. Razlika između planirane i stvarne realizacije odnosi se na ugovore koji su realizovani u punom iznosu nakon izvršenog konačnog obračuna putem građevinske knjige.

1.1. Izgradnja oborinske kanalizacije u ulici Lukovo polje u dužini od 230,60 m i sanacija saobraćajnice u dužini od 198 m –I Faza

U toku realizacije Ugovora došlo je do prekida radova i konzerviranja gradilišta zbog zimskih uvjeta. Do momenta prekida izvođenja radova uspješno je završeno razdvajanje oborinske i fekalne kanalizacije. I pored izuzetno zahtjevnog projekta i dubina iskopa do 2 m uz ostale postojeće komunalne instalacije, kao i postavljanja dodatnih revizionih okna kako bi nakon asfaltiranja mogli kupiti svu oborinsku vodu, završeni su svi radovi izuzev asfaltiranja i postavljanja odgovarajućih poklopaca i rešetki na novoizgrađenim revizijama i slivnim kacama i uređenju zemljišta oko ispusne građevine. Radovi su u cijelosti okončani dana 06.06.2022.godine.



Radovi na novoj trasi oborinske kanalizacije u ulici Lukovo Polje

1.2. Sanacija Đerzelezove ulice

Uvođenje izvođača radova u posao izvršeno 09.08.2021.godine, radovi vršeni do 06.09.2021.godine. U navedenom periodu izvršeno mašinsko skidanje postojećeg asfalta, iskop, nasipanje tamponskog materijala sa valjanjem. Dana 06.09.2021.godine radovi su obustavljeni zbog postavljanja instalacija plinovoda koje je bilo u obavezi JP “Zenica Gas” d.o.o. Zenica. Po završetku instalacija plinovoda, nastavljeni su radovi dana 09.05.2022.godine. Nastavak radova je obuhvatio izradu dijela kišne kanalizacije, popravku postojećih ivičnjaka, korekciju visine postojećih poklopaca, te završno asfaltiranje. Radovi su završeni dana 23.05.2022.godine. Sanacijom predmetne ulice Đerzelezova u dužini od 1.530,0 m, obezbjeđena je bolja povezanost MZ Perin Han i MZ Klopče.



Sanacija Đerzelezove ulice

1.3.Rekonstrukcija ulice Masarykova (P 1 a do P 10a)

Izvođač radova je uveden u posao dana 20.01.2022.godine, a radovi završeni dana 11.08.2022.godine Rekonstrukcija dijela ulice Masarykovaje izvršena je u dužini od 225,0 m. Radovi su obuhvatili rješavanje odvodnje, asfaltiranje i rješavanje stacionarnog saobraćaja izgradnjom parking prostora. U sklopu rekonstrukcije predmetne dionice, izvršena je izmjena instalacija privrednih društava “ BH Telecom”, JP” Elektroprivreda”, JP “Grijanje” i JP “Vodovod i kanalizacija”. Pored navedenog, izvršeno je razdvajanje oborinske i fekalne kanalizacije, te izvršena odvodnja oborinske kanalizacije u recipijent, odnosno rijeku Bosnu.



Rekonstrukcija ulice Masarykova (P 1a do P 10a)

1.4.Sanacija lokalnog puta i mosta broj 1. za naselje Orahovica,

Radovi na sanaciji lokalnog puta su započeti dana 02.03.2022. godine, nakon izvršenog usaglašavanja tehničkog rješenja na terenu i trajali su do 18.04.2022. godine.Realizacijom Ugovora izvršena je sanacija dionice lokalnog puta dužine 1200,00 m.

Od 19.04. do 25.04.2022.godine radovi na proširenju mosta nisu izvođeni zbog visokog vodostaja Orahovičke rijeke.

Radovi na proširenju mosta broj 1. su završeni u skladu sa projektnom dokumentacijom dana 08.07.2022.godine.



Sanacija lokalnog puta i mosta broj 1.za naselje Orahovica

1.5. Izgradnja pješačke staze duž ulice Bistua Nuova od naselja Radakovo do skretanja za Klopče i završetak pješačke staze kroz naselje Perin Han

Izvođač radova je uveden u posao dana 05.05.2022. godine, a radovi završeni dana 25.06.2022. godine.. Izgradnjom pješačke staze bilo je potrebno izmjestiti stubove javne rasvjete u dužini od 250,0 m. Prilazi objektima na pješačkoj stazi su zadržani u postojećem stanju in a tim mjestima su izvedeni upušteni ivičnjaci. Izgradnjom pješačke staze povezano je naselje Klopče sa naseljem Radakovo.

Sredstva za realizaciju Projekta, u iznosu od 100.000,00 KM, obezbijedena su Odlukom Vlade Federacije BiH broj: V. broj 1404/2021 od 16.09.2021. godine.



Izgradnja pješačke staze duž ulice Bistua Nuova

2. Rekonstrukcija i investiciono održavanja cestovne mreže –realizacija ugovora zaključenih u 2022.godine

Planom ulaganja u putnu infrastrukturu za 2022.godinu planirana je realizacija 27 projekata ukupne investicione vrijednosti 3.326.500,00 KM.

U tabeli broj 2 daje se pregled planiranih i realizovanih projekata u 2022.godini.

Tabela broj 2

RED. BROJ	PREDMET UGOVORA	IZVOĐAČ RADOVA	BROJ UGOVORA I DATUM UGOVORA	REALIZACIJA U 2022. GODINI (SA PDV)	STATUS UGOVORA
1	Sanacija ulica Štrosmajerova, Armije BiH i Gornjozeznička – naselje Mokušnice	KOMGRAD-ZE d.o.o. Zenica	02-11-9620-7/22 od 29.06.2022.	608.063,67	REALIZOVAN
2	Sanacija ulice Mejndandžik	KOMGRAD-ZE d.o.o. Zenica	02-11-9620-6/22 od 29.06.2022.	198.911,89	REALIZOVAN
3	Sanacija ulice Željeznička - Blatuša	MUŠINBEGOVIĆ GRADNJA D.O.O. VISOKO	02-11-10571-7/22 od 02.08.2022.	124.721,05	REALIZOVAN
4	Sanacija platoa i prilaza zgradi u ulici Zije Dizdarevića broj 30.u naselju Blatuša	GEO-PUT d.o.o. Maglaj	02-119620-10/22 od 08.07.2022.	67.664,95	REALIZOVAN

5	Sanacija ulice Aleja Šehida	KOMGRAD-ZE d.o.o. Zenica	02-11-10571-8/22 od 20.07.2022.	243.480,71	REALIZOVAN
6	Sanacija ulice Zacarina	KOMGRAD-ZE d.o.o. Zenica	02-11-10571-9/22 od 20.07.2022.	136.762,28	REALIZOVAN
7	Sanacija i asfaltiranje starog puta za Obrenovce	KOMGRAD-ZE d.o.o. Zenica	02-11-9620-11/22 od 06.07.2022.	69.478,02	REALIZOVAN
8	Sanacija puta za selo Gradina	KOMGRAD-ZE d.o.o. Zenica	02-11-9878-8/22 od 20.07.2022.	108.513,91	REALIZOVAN
9	Sanacija puta Arnauti - Otoka	ŠPIC BETON d.o.o. Zenica	02-11-9878-9/22 od 21.07.2022.	90.441,00	REALIZOVAN
10	Sanacija puta Gradišće - Strnokosi	ŠPIC BETON d.o.o. Zenica	02-11-10571-10/22 od 21.07.2022.	147.420,00	REALIZOVAN
11	Sanacija dijela ulice Zvečajska	ŠPIC BETON d.o.o. Zenica	02-11-12944-8/22 od 14.09.2022.	87.983,32	REALIZOVAN
12	Izgradnja potpornog zida na putu za selo Plahoviće	TKM D.O.O. ZENICA & TEHNOPROMET D.O.O. ZENICA	02-11-9620-8/22 od 05.07.2022.	43.794,90	REALIZOVAN
13	Sanacija oštećenja na putu Topčić polje – Lazine izgradnjom potpornog zida	TKM D.O.O. ZENICA & TEHNOPROMET D.O.O. ZENICA	02-11-9620-9/22 od 05.07.2022.	38.801,08	REALIZOVAN
14	Sanacija i asfaltiranje spoja ulica Prvomajska i Bistua Nuova	KOMGRAD-ZE d.o.o. Zenica	02-11-9878-10/22 od 20.07.2022.	23.457,56	REALIZOVAN
15	Sanacija ulice Visočka	KOMGRAD-ZE d.o.o. Zenica	02-11-9878-11/22 od 20.07.2022.	52.883,30	REALIZOVAN
16	Sanacija puta u naselju Jezer – MZ Seoci	ŠPIC BETON d.o.o. Zenica	02-11-12944-10/22 od 14.09.2022.	46.997,69	REALIZOVAN
17	Sanacija i asfaltiranje puta u naselju Orah Polje	KOMGRAD-ZE d.o.o. Zenica	02-11-12944-12/22 OD 15.09.2022.	49.429,22	REALIZOVAN
UKUPNO:				2.138.804,55	

Radovi na sanaciji ulice Vojvodića put u dužini 270 m , nisu okončani u 2022. godini zbog kašnjenja u proceduri javnih nabavki (Ugovor je zaključen 30.09.2022.god.), zatim zbog obima ugovorenih radova (rekonstrukcija kompletne vodovodne linije, sanacija instalacija grijanja), te zbog nepovoljnih vremenskih uslova. Radovi na asfaltiranju predmetne ulice završeni su 06.01.2023. godine.

Radovi na sanaciji ulice Crkvice su obustavljeni zbog izgradnje stambeno-poslovnog objekta gdje je nemoguće izvoditi radove u isto vrijeme zbog male širine međusobnih građevinskih linija i velike dubine iskopa gdje bi se otvaranjem sanacije saobraćajnice paralizovao saobraćaj prema Kantonalnoj bolnici Zenica, a do trenutka obustave usklađeno je projektno rješenje i izvedeni su radovi na geodetskom iskoličenju i obilježavanju podzemnih instalacija svih operatera.

Radovi na rekonstrukciji dionice ulice Ivana Gundulića pored Gradskog groblja u dužini 450 m nisu okončani zbog procedure javnih nabavki (Ugovor je zaključen 30.09.2022.godine), zatim nepovoljnih vremenskih uslova, te zbog kompleksnosti ugovorenih radova (rekonstrukcija vodovodne linije, izgradnja oborinske kanalizacije, prisustva drugih instalacija). Kako su radovi započeti u jesenjem periodu, dinamiku istih usporava prisustvo velikih količina podzemnih voda i nepovoljan teren u geološkom smislu.

Ugovori o izvođenju radova na sanaciji starog puta za selo Bistricu i asfaltiranju betonskih puteva u MZ Gornja Gračanica nisu zaključeni ni nakon drugog ponovljenog postupka javnih nabavki, te je u toku treći postupak javne nabavke radova.

U okviru aktivnosti koji se realizuju u saradnji sa Službom civilne zaštite planirana je izgradnja potpornih zidova na lokacijama Palinovići. Vražale, Gladovići i Jezer-MZ Seoci.

Kako se projekat sanacije klizišta na putu za selo Palinovići sufinansira sa Službom civilne zaštite, izvršen je dodatni pregled od strane geologa, inače uposlenika Službe civilne zaštite koji je konstatovao da postojeći projekat nije obuhvatio kompletnu sanaciju klizišta, te je traženo od JP za prostorno planiranje i uređenje grada "Zenica" d.o.o. Zenica da izvrši dopunu – proširenje projektne dokumentacije kako bi se zaštitio i stambeni objekat koji se nalazi u blizini putne komunikacije. U 2022. godini nije izvršena dopuna projektne dokumentacije, te iz tih razloga nije pokrenuta procedura javne nabavke.

Radovi na sanaciji klizišta u selu Gladovići i sanaciji klizišta u zaseoku Jezer u MZ Seoci nisu započeti zbog neriješenih imovinsko-pravnih odnosa i nemogućnosti dobijanja građevinske dozvole.

Radovi na sanaciji klizišta na putu za selo Vražale na mjestu gdje se nalazi lokalno mezarje nisu započeti zbog potrebe za izmjenom tehničkog rješenja radi primjene brže i jednostavnije metode izgradnje potpornog zida, a sve u cilju što manjeg oštećenja lokalnog mezarja.

Radovi na sanaciji i asfaltiranju dijela puta u Visokovcima u dužini od 800,0 m su obustavljeni zbog spore procedure javnih nabavki (ugovor potpisan 29.09.2022.godine). Izvršeno je geodetsko iskoličenje i obilježavanje podzemnih instalacija svih operatera. Zbog nemogućnosti okončanja radova u cjelosti do početka zimskih uvjeta (izvođenje instalacija vodovoda i kanalizacije), predstavnici mjesne zajednice su zatražili prolongiranje izvođenja radova do sticanja povoljnih vremenskih uslova.

2.1. Sanacija ulica Štrosmajerova, Armije BiH i Gornjoženička – naselje Meokušnice

Radovi na sanaciji ulica Štrosmajerova, Armije BiH i Gornjoženičke započeti su 14.07.2022. godine. Radovi su završeni 19.09.2022. godine. U toku izvođenja radova bile su intervencije na instalacijama u vlasništvu JP “Vodovod i kanalizacija” d.o.o. Zenica u ulici Štrosmajerova. Također, dinamiku izvođenja radova pratio je period sa veoma visokim dnevnim temperaturama te uz odvijanje saobraćaja koji se nije mogao u potpunosti obustaviti. U ulici Armije BiH izvršena je izmjena režima saobraćaja te ista postala jednosmjerna sa omogućenim parkiranjem pod uglom od 45° uz desnu ivicu kolovoza. Sanacija ulica je izvršena u dužini 1.200,00 m.



Sanacija ulice Štrosmajerova

2.2. Sanacija ulice Mejdandžik

Radovi na sanaciji su započeti dana 14.07.2022. godine, a završeni dana 17.08.2022. godine. U sklopu radova izvršena je zamjena instalacije vodovodne linije od strane JP “Vodovod i kanalizacija” d.o.o. Zenica. Sanacijom ulice u dužini od 305,0 m poboljšani su elementi saobraćajnice, te izvršena korekcija pješačke staze uz Osnovnu školu “Meša Selimović”, tako da je omogućeno normalno kretanje pješaka, a pri tom zadržan parking prostor i jednak broj parking mjesta.



Sanacija ulice Mejdandžik

2.3. Sanacija ulice Željeznička - Blatuša

Radovi na sanaciji ulice Željeznička započeti su 24.08.2022. godine, a završeni su 29.12.2022. godine. Realizacijom projekta izvršena je sanacija degradirane asfaltne površine u dužini od 350,0 m a što je uticalo na poboljšanje elemenata saobraćajnice.

Zbog prekoračenja rokova primijenjena je ugovorna kazna (aktivirana je garancija za uredno izvršenje ugovora), odnosno obračunati su penali u iznosu od 5.329,96 KM.



Sanacija ulice Željeznička

2.4. Sanacija platoa i prilaza zgradi u ulici Zije Dizdarevića broj 30. u naselju Blatuša

Radovi na sanaciji platoa i prilaza zgradi u ulici Zije Dizdarevića broj 30. u naselju Blatuša započeti su 25.07.2022. godine a završeni 18.08.2022. godine. Ugovorenim radovima urađena je sanacija i asfaltiranje makadamskog platoa ispred zgrade u ulici Zije Dizdarevića. Prije završnog asfaltiranja riješena je odvodnja kako sa platoa tako i sa saobraćajnice i postavljeni ivičnjaci u dužini od 80,0 m.



Sanacija platoa i prilaza zgradi u ulici Zije Dizdarevića broj 30.

2.5. Sanacija ulice Aleja Šehida

Radovi na sanaciji ulice Aleja Šehida započeti su 15.08.2022. godine a završeni 01.09.2022. godine. Ugovorenim radovima predviđena je sanacija degradiranog asfaltnog zastora saobraćajnice i pješačkih staza u dužini od 400,0 m. Izvršena je sanacija dionice ulice od Kamberovića mosta do Gradske arene "Husejin Smajlović", čime su poboljšani elementi saobraćajnice i odvodnje oborinskih voda. Na predmetnoj dionici urađene su dvije platforme u cilju bezbjednosti pješaka, a time pozitivno riješen zahtjev Udruženja paraplegičara i oboljelih od dječije paralize.



Sanacija ulice Aleja šehida

2.6. Sanacija ulice Zacarina

Radovi na sanaciji dijela ulice Zacarina započeti su 15.08.2022. godine a završeni 15.09.2022. godine. Izvršena je sanacija dionice od spoja sa ulicom Travnika do "Sušića" mlina, gdje je na prvom dijelu izvršena sanacija dotrajalog asfaltnog zastora, te izvršena izgradnja parking prostora uz ogradu Instituta "Kemal Kapetanović", dok je u drugom dijelu ulice izvršeno asfaltiranje makadamskog i asfaltnog dijela ulice u postojećim gabaritima sa rješavanjem odvodnje.



Sanacija ulice Zacarina

2.7. Sanacija i asfaltiranje starog puta za Obrenovce

Radovi na sanaciji i asfaltiranju starog puta za Obrenovce započeti su 12.08.2022. godine, a završeni 20.08.2022. godine. Ugovorenim predmjerom i predračunom, predviđena je sanacija i asfaltiranje starog puta u dužini od 430,0 m, a koji se sastojao od tri dijela, prvi dio je bila sanacija dotrajalog asfaltnog zastora, drugi dio je sanacija puta sa betonskom podlogom i treći dio je makadamska podloga.



Sanacija i asfaltiranje starog puta za Obrenovce

2.8. Sanacija puta za Gradinu

Radovi na sanaciji puta za Gradinu započeti su 02.08.2022. godine, a završeni 12.08.2022. godine. Ugovorenim predmjerom i predračunom, predviđena je sanacija i asfaltiranje starog puta za selo Gradinu u dužini od 841,0 m. Radovi su obuhvatali mašinski iskop, uređenje planuma puta, nasipanje i ugradnja tamponskog materijala i asfaltiranje asfaltnom masom BNS 22 u sloju debljine 7 cm, te završno nasipanje i uređenje bankine.




Sanacija puta za Gradinu

2.9. Sanacija puta Arnauti - Otoka

Radovi na sanaciji puta Arnauti - Otoka započeti su 10.08.2022. godine a završeni 08.09.2022. godine. Ugovorenim predmjerom i predračunom, predviđena je sanacija i asfaltiranje puta u zaseoku Otoka u MZ Arnauti u dužini od 828,0 m, a koji se sastojao od dva dijela, prvi dio dotrajala asfaltna podloga i drugi dio puta sa betonskom podlogom. Na dionici postojećeg asfalta, radovi su obuhvatili

iskop planuma puta, uređenje, nasipanje i zbijanje tamponskim materijalom, te završno asfaltiranje i uređenje bankina, dok je na dionici sa betonskom podlogom izvršeno asfaltiranje uz prethodno čišćenje i prskanje bitumenskom emulzijom.



Sanacija puta Arnauti - Otoka

2.10. Sanacija puta Gradišće - Strnokosi

Radovi na sanaciji puta Gradišće - Strnokosi započeti su 10.08.2022. godine a završeni 02.09.2022. godine. Ugovorenim predmjerom i predračunom, predviđena je sanacija i asfaltiranje puta Gradišće – Strnokosi u dužini od 1.200,0 m, gdje je izvršen mašinski iskop, nasipanje i valjanje tamponskog materijala, rješenje odvodnje na kritičnim dionicama, te završno asfaltiranje i uređenje bankina. Predmetnim putem je izvršeno spajanje Kočevskog sliva sa MZ Gradišće, gdje bi u slučaju obustave saobraćaja na regionalnoj cesti od Stranjana do Zenice mogao služiti i kao alternativni put.



Sanacija puta Gradišće - Strnokosi

2.11. Sanacija dijela ulice Zvečajska

Radovi na sanaciji dijela ulice Zvečajska započeti su 13.10.2022. godine a završeni 03.11.2022. godine. Ugovorenim predmjerom i predračunom, predviđena je sanacija i asfaltiranje dvije dionice ulice Zvečajska u dužini od 800,0 m. Zbog velikog stepena degradacije ulice izvršeno je geodetsko snimanje ugovorenih dionica u cilju provjere ugovorenih i potrebnih količina za izvođenje. Radovi su obuhvatili djelimičnu zamjenu kolovozne konstrukcije (skidanje postojećeg asfalta, mašinski iskop i nasipanje tamponskim materijalom), nivelisanje postojećih poklopaca i završno asfaltiranje sa uređenjem bankine.



Sanacija dijela ulice Zvečajska

2.12. Izgradnja potpornog zida na putu za selo Plahoviće

Radovi na izgradnji potpornog zida započeti su 13.07.2022. godine, a završeni 29.11.2022. godine. Za stabilizaciju oštećene saobraćajnice predviđeni su stabilizacioni elementi, betonski gabioni koji se ukopavaju u čvrstu podlogu, a sve prema preporukama Elaborata o inženjersko-geološkim karakteristikama. Gabioni su postavljeni na betonske stope na sloju supstrata, a izvedeni su u tri, četiri i pet redova u dužini od 24,0 m. Radovi na padini, odnosno škarpi puta izvedeni su fazno, tako da je izvršeno prvo betoniranje temelja gabiona, dok su u drugoj fazi postavljeni gabioni.

Na temeljnoj stopi betonskih gabiona postavljena je drenažna cijev i izvršeno je zasipanje iste filerskim drenažnim materijalom. U završnim radovima urađena je bankina i završno asfaltiranje oštećene saobraćajnice.

Zbog prekoračenja rokova primijenjena je ugovorna kazna, odnosno obračunati su penali u iznosu od 722,94 KM.



Izgradnja potpornog zida na putu za selo Plahoviće

2.13. Sanacija oštećenja na putu Topčić polje – Lazine izgradnjom potpornog zida

Izvođač radova uveden je u posao 13.07.2022. godine, a radovi su započeli 15.08.2022. godine jer se čekalo na obilježavanje podzemnih instalacija od strane operatera. Radovi su završeni 30.11.2022. godine.

Zbog specifičnosti radova i geoloških karakteristika terena nakon izgradnje potpornog zida bilo je potrebno sačekati očvršćavanje betona, te konsolidaciju i završno slijeganje terena odnosno nasipa iza novoizgrađenog zida. Realizacijom ugovorenih radova izvršena je sanacija oštećenja na dionici lokalnog puta, te su poboljšani elementi odvodnje.



Sanacija oštećenja na putu Topčić polje-Lazine izgradnjom potpornog zida

2.14. Sanacija i asfaltiranje spoja ulica Prvomajska i Bistua Nuova

Radovi na sanaciji i asfaltiranju spoja ulica Prvomajska i Bistua Nuova započeti su 29.07.2022. godine a završeni 11.08.2022. godine. Ugovorenim predmjerom i predračunom radova predviđeno je rušenje postojeće dotrajale asfaltne podloge, mašinski iskop, nasipanje tamponskim materijalom, te završno asfaltiranje asfaltnom masom BNHS 16 u sloju debljine 7 cm i završno uređenje bankine.



Sanacija i asfaltiranje spoja ulica Prvomajska i Bistua Nuova

2.15. Sanacija ulice Visočka

Radovi na sanaciji ulice Visočka započeti su 29.07.2022. godine a završeni 17.08.2022. godine. Ugovorenim predmjerom i predračunom, predviđena je sanacija i asfaltiranje dionice ulice u dužini od 410,0 m, a koji se sastojao od dva dijela, prvi dio je bila sanacija dotrajale betonske podloge i drugi dio sanacija makadamske podloge. Na dijelu sa makadamskom podlogom izvršena je zamjena trupa kolovozne konstrukcije, te završno asfaltiranje (makadamska i betonska podloga) sa uređenjem bankina.



Sanacija ulice Visočka

2.16.Sanacija puta u naselju Jezer – MZ Seoci

Radovi na sanaciji puta u naselju Jezer – MZ Seoci započeti su 23.09.2022. godine, a završeni 24.09.2022. godine. Ugovorenim predmjerom i predračunom, predviđena je sanacija i asfaltiranje degradirane betonske podloge u dužini od 360,0 m, a koji se sastojao od pripreme, čišćenja, izravnjanje degradirane dionice, nivelisanje poklopaca i završno asfaltiranje.



Sanacija puta u naselju Jezer – MZ Seoci

2.17.Sanacija i asfaltiranje puta u naselju Orah Polje

Radovi na sanaciji i asfaltiranju puta u naselju Orah Polje započeti su 22.09.2022. godine, a završeni 07.10.2022. godine. Ugovorenim predmjerom i predračunom, predviđena je sanacija i asfaltiranje dionice puta u dužini od 540,0 m, a koji se sastojao od dva dijela, prvi dio je bila sanacija dotrajale betonske podloge i drugi dio sanacija makadamske podloge. Na dijelu sa makadamskom podlogom izvršena je zamjena trupa kolovozne konstrukcije, te završno asfaltiranje (makadamska i betonska podloga) sa uređenjem bankina. Realizacijom predmetnog ugovora saniran je put u naselju, kao i prilaz katoličkom i pravoslavnom groblju u MZ Nemila.

III ZAKLJUČNO RAZMATRANJE

Na ime realizacije ugovora o izvođenju radova, u oblasti izgradnje, rekonstrukcije i investicionog održavanja cestovne infrastrukture u 2022.godini, izdvojena su sredstva u iznosu od 3.017.063,85 KM i to:

- ugovori zaključeni u ranijem periodu 878.259,30 KM i
- ugovori zaključeni u 2022. godini 2.138.804,55 KM.

Planirani a nerealizovani projekti biće obuhvaćeni Planom investicionog ulaganja u oblasti cestovne infrastrukture za 2023.godinu.

U izvještajnom periodu su bila zaprimljena tri zahtjeva izvođača radova (“Geoput” d.o.o. Maglaj, “Špic-beton” d.o.o. Zenica i “Komgrad-ZE” d.o.o. Zenica) za izmjenu ugovorenih cijena zbog promjena cijena na tržištu. Zbog nepostojanja pravnog osnova, imajući u vidu odredbe važećih propisa koji regulišu postupak javne nabavke i zaključenih ugovora o izvođenju radova, zaprimljeni zahtjevi nisu uvaženi te su izvođači nastavili i okončali radove prema ugovorenim cijenama

Realizacijom planiranih aktivnosti u izvještajnom periodu je:

1. rekonstruisano i asfaltirano **3.892,45 m** cestovne infrastrukture po osnovu ugovora zaključenih u ranijem periodu ;
2. rekonstruisano i asfaltirano **8.385,00 m** cestovne infrastrukture po osnovu ugovora zaključenih u 2022.godini;
3. završeno izvođenje radova na pripremi donjeg stroja saobraćajnica u dužini **1.500,00 m** po osnovu započetih a nedovršenih projekata
4. izvršena sanacija platoa i prilaza zgradi u ulici Zije Dizdarevića broj 30 u naselju Blatuša, izgradnja potpornog zida na putu za selo Plahoviće u dužini **34,54 m** i sanacija oštećenja na putu Topčić polje – Lazine izgradnjom potpornog zida u dužini **8,82 m** u okviru izgradnje objekata cestovne infrastrukture koji se tretiraju kao zasebni projekti

Sve realizovane aktivnosti provedene u izvještajnom periodu su uticale na poboljšanje stabilnosti cesta i unapređenje sigurnosti saobraćaja na gradskim ulicama, lokalnim i nerazvrstanim cestama Grada Zenica.

Broj:09-45-2118/23

Zenica, 07.02.2023.godine

POMOĆNICA GRADONAČELNIKA

Helvida Sabira, dipl.ing. građ.